

BOSNA I HERCEGOVINA - БОСНА И ХЕРЦЕГОВИНА

*Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka*



*Агенција за развој високог образовања
и обезбјеђивање квалитета
Босне и Херцеговине
Бања Лука*

Agency for Development of Higher Education and Quality Assurance of Bosnia and Herzegovina

Na osnovu člana 49. Okvirnog zakona o visokom obrazovanju u Bosni i Hercegovini ("Službeni glasnik BiH", broj: 59/07 i broj 59/09), člana 7. Statuta Agencije za razvoj visokog obrazovanja i osiguranje kvalitete Bosne i Hercegovine („Službeni glasnik BiH, broj 86/09) i člana 7. Odluke o kriterijima za izbor domaćih i međunarodnih stručnjaka koji daju ocjenu i obavljaju reviziju kvalitete i daju preporuke o akreditaciji visokoškolskih ustanova i studijskih programa („Službeni glasnik BiH“, broj 88/09, 3/13 i 30/15) i člana 3. Pravilnika o načinu provođenja javnog konkursa za izbor domaćih i međunarodnih stručnjaka za ocjenjivanje i reviziju kvaliteta i davanje preporuka o akreditaciji visokoškolskih ustanova i studijskih programa („Službeni glasnik BiH“, broj: 09/17) Agencija za razvoj visokog obrazovanja i osiguranje kvaliteta **raspisuje**

JAVNI KONKURS

za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa

1. Stručnjaci - predstavnici akademske zajednice u BiH;
2. Stručnjaci - predstavnici privrede i prakse;
3. Studenti;
4. Međunarodni stručnjaci.

Opšti kriteriji za odabir stručnjaka svih kategorija:

- Dobro poznavanje pisanog i govornog engleskog jezika;
- Dobre sposobnosti usmene i pisane komunikacije i vještine izrade izvješća;
- Sposobnost rada na elektronskim ili internetskim komunikacionim sistemima;
- Sposobnost djelotvornog rada u timu;
- Sposobnost poštivanja dogovorenih protokola, procedura i rokova.

Posebni kriteriji:

1. Za kategoriju stručnjaci - predstavnici akademske zajednice u BiH

- Izbor u naučno-nastavno zvanje, odnosno naučno-umjetničko zvanje nastavnika u relevantnoj naučnoj oblasti (prirodne nauke, tehničke nauke, biomedicina i zdravstvo, biotehničke nauke, društvene nauke i humanističke nauke);
- Iskustvo u rukovođenju visokoškolskom ustanovom, ili iskustvo na rukovodećim mjestima na nivou visokoškolske ustanove, ili iskustvo u naučno-nastavnom i naučno-istraživačkom radu u visokoškolskoj ustanovi i osiguranju akademskih standarda i kvaliteta u pružanju obrazovnih usluga;
- Iskustvo u nastavi i/ili kontroli istraživačkog studentskog rada;
- Iskustvo u ocjeni uspjeha studenata u visokoškolskim ustanovama ili istraživačkim programima u svojoj ili nekoj drugoj visokoškolskoj ustanovi.

2. Za kategoriju stručnjaci - predstavnici privrede i prakse

- Minimalno VSS;

www.hea.gov.ba, e-mail:info@hea.gov.ba

- Minimalno deset godina iskustva u relevantnoj oblasti;
- Rukovodno iskustvo ili dokazano iskustvo u svojoj oblasti.

3. Za kategoriju studenti

- Minimalni prosjek u dosadašnjem studiju 8 ili 3,5;
- Kontinuitet redovnog studija;
- Iskustvo u reformama visokog obrazovanja.

4. Za kategoriju međunarodni stručnjaci

- Naučni stepen doktora nauka iz relevantne oblasti;
- Iskustvo u rukovođenju visokoškolskom ustanovom ili na rukovodećim mjestima na nivou visokoškolske ustanove ili nastavnog osoblja u visokoškolskoj ustanovi i osiguranju akademskih standarda i kvaliteta u pružanju obrazovnih usluga;
- Iskustvo u nastavi i/ili kontroli istraživačkog studentskog rada;
- Iskustvo u ocjeni uspjeha studenata u visokoškolskim ustanovama ili istraživačkim programima u svojoj ili nekoj drugoj visokoškolskoj ustanovi;
- Iskustvo u vršenju revizije kvaliteta svoje ili druge visokoškolske ustanove.

Način prijavljivanja i potrebni dokumenti:

Prijava kandidata na javni konkurs vrši se popunjavanjem obrasca koji je dostupan na web-stranici Agencije www.hea.gov.ba.

Uz prijavu u kojoj je sadržana i biografija, kandidati prilažu sljedeće dokaze:

- Stručnjaci predstavnici akademske zajednice u BiH: dokaz visokoškolske ustanove o izboru u naučno-nastavno zvanje,
- Stručnjaci predstavnici privrede i prakse: dokaz o iskustvu u relevantnoj oblasti,
- Studenti: dokaz o kontinuitetu redovnog studija i prosjeku ocjena u dosadašnjem studiju,
- Međunarodni stručnjaci: dokaz da imaju iskustvo u vršenju revizije kvaliteta svoje ili neke druge visokoškolske ustanove.

Napomene:

Kao dokaz dobrog poznavanja pisanog i govornog engleskog jezika mogu se dostaviti sljedeći dokazi:

- a) uvjerenje škola ili drugih institucija koje se bave obučavanjem znanja stranih jezika, bez obzira da li se nalaze u Bosni i Hercegovini ili izvan nje,
- b) diploma ili druga isprava koja potvrđuje stečeno zvanje ili zanimanje koje je neposredno vezano za znanje engleskog jezika (npr. profesora engleskog jezika, jezičkog prevodioca, asistenta prevodioca i sl.);
- c) diploma završenog fakulteta ili stečenog naučnog zvanja u Bosni i Hercegovini ili u inozemstvu na osnovi koje se nedvosmisleno može utvrditi da je isto školovanje u cjelini ili u pretežnom dijelu završeno na engleskom jeziku.

Kao dokaz sposobnosti rada na elektroničkim ili internetskim komunikacijskim sistemima kandidati mogu dostaviti:

- a) uvjerenje škola ili drugih institucija koje se bave obučavanjem znanja rada na elektronskim komunikacionim sistemima, bez obzira da li se nalaze u Bosni i Hercegovini ili izvan nje,
- b) diplomu ili drugu ispravu koja potvrđuje stečeno zvanje ili zanimanje koje je neposredno vezano za rad na elektronskim komunikacionim sistemima.

Kao dokaz ispunjavanja posebnih uslova iz javnog konkursa kandidati dostavljaju:

- a) Univerzitetsku diplomu VII stepena, odnosno ekvivalenta Bolonjskog sistema studiranja, a kandidati koji su visoko obrazovanje stekli po Bolonjskom sistemu studiranja uz diplomu

dostavljaju i dodatak diplomi u skladu s odredbama člana 54. Okvirnog zakona o visokom obrazovanju u Bosni i Hercegovini. Predstavnici kategorije studenata koji su još uvijek u toku studiranja kao dokaz dostavljaju uvjerenje visokoškolske ustanove da studira na toj visokoškolskoj ustanovi.

- b) Kao dokazi ispunjavanja posebnih uslova iz člana 3. tč a), c), d) i e), člana 4. tč. b) i c), člana 5. tč. a), b) i c) i člana 6. tč. c), d), e) i f) Odluke o kriterijima za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa dostavljaju se uvjerenja visokoškolskih ustanova koje potvrđuje propisane činjenice, odnosno visokoškolskih ustanova i drugih ustanova i organizacija u kojima je kandidat stekao traženu vrstu iskustva, kao i certifikati, potvrde i drugi dokumenti kojima se dokazuju propisane činjenice.

Jedan kandidat se može prijaviti samo za jednu od kategorija stručnjaka.

Kandidati koji prijavu podnose putem e-maila, tražene dokaze mogu dostaviti skenirane.

Rok za podnošenje prijave:

Rok za podnošenje prijava na javni konkurs je 30 dana od dana objavljivanja javnog konkursa u dnevnim novinama.

Adresa za dostavljanje prijava i dokumenata:

Agencija za razvoj visokog obrazovanja i osiguranje kvaliteta s oznakom „Javni konkurs za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa“

Ulica akademika Jovana Surutke 13

BA – 78 000 Banja Luka

ili putem e-maila: dalibor.ateljevic@hea.gov.ba

Nepotpune i neblagovremeno dostavljene prijave neće biti predmet razmatranja.

Napomena za sve kandidate

Nakon provedene konkursne procedure, na osnovu člana 49. alineja 2. Okvirnog zakona o visokom obrazovanju u Bosni i Hercegovini, Komisija za utvrđivanje liste stručnjaka će utvrditi listu stručnjaka koju Agencija dostavlja svim ministarstvima obrazovanja u Bosni i Hercegovini i nadležnom odjeljenju u Vladi Brčko Distrikta na usvajanje. Sa usvojene liste stručnjaka, na osnovu prijedloga nadležnih obrazovnih vlasti, Agencija će imenovati konkretne komisije za akreditaciju visokoškolskih ustanova i studijskih programa.

Dodatne informacije mogu se dobiti na tel: + 387 51 430 510.

DIREKTOR

Prof. dr. Enver Halilović, s.r.

www.hea.gov.ba, [e-mail:info@hea.gov.ba](mailto:info@hea.gov.ba)

BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302